

UUT'T OLDE VODDEN

In Vodden von gin mense't raar
Dat 'n paar gezinnen met mekaar
(tWas gin uut d'band springen)
Druut wol 'n; en dee gingen
Zondags us noa de Boggelaar

Ast zommer was en ok mooi weer
Wol iederène toch een keer,
Teminste èns int joar
Us weer bekieken door
Dat zo slim mooi gedoë weleer.

tLei neet woar noew is dat café,
An dVodden-Warnsveldweg, o,
nee!
Van door koj dr wel kom'n,
Ai door de zandweg nom'n
Kwam ie dr dan noa'n end alree.

Wee van de andre kante kwam
Dus de wège deur Hakvoort nam
Mos veür 'tHiëtveld afsloan
Linksum deur d'weiën goan,
En dat gaf een betjen tam-tam.

Want ut was veur elkéén'nplich
Dee hekken mossen lès en dich,
En al buniej wel sterk
Das noew eenmòòl een werk
Dat gemaksmense neet lig!

Mennugéne had ok een stok
Asse deur dè weie hen trok,
Al wisn zee algemeen
Dat beeste eur niks deen,
Bandeloozen waarn dr o toch ok!

Vanaf Leesten koj drok kommen
Ai de weg langs Scheuros nom'n,
Woar tGanzeslag netis lig,
Dóór haj gin "hekken-plich",
Van dé kante kwamn héle dromn.

Ze gingen bie Pedies dan langs

Van dooraf zaggen zee al mangs
tBoggler-Hekke lès stoan,
Kon'n dr dus zó ingoan,
Jong en old kon vandáge gangs.

Van drie kante kwammen ze dus,
De afstand vonnen ze ging klus,
Toè op de Boggler an,
Door wodn dan volges plan
Op dee banken eers uut-erus.

Völ ruste hadn ze neet int gat,
Ai wat woln zeen mos ie wel rad
Wieter door weer goan
Kõj nergus lange stoan,
De Boggler was zo groot as wát!

Kot veurán was ut drek al knal
Door was vièver en een wal
Met dr in goldvissen
Eniej kõnt wel gissen
Dat tat een ieders aandacht stal.

Wieter goande dan over'n pad
Wis iet neet hoè of iet ut had!
Wat was ut door toch mooi,
Alles van goed allooi,
tWas éne fleur, van kleuren zat!

Een bloemenprachte zonder end
Doormet wodden ie door vewend!
Ok heel mooie vennen,
Fièn' en grofve dennen,
Een schoonheid gewoon
ongekend!

Moar vral dejonges woln stugge
Door över de kettingbrugge,
Hing dee iets int water
Dan gaf tat'n geklater!
Grièzels leepn över oew rugge.

Dr waarn ok spiègels in kleur,
Door ston iedreen ok effen veur,

Moor d'mooie rozen-tuûn
Dat was toch wel de kruûn!
Luxe anleg;en wat een geur!

dLanen zowel asn eerepoort
Hebt iederène altied bekoord,
Zukke mooie bõogen!
Iej was opgetoëgen!
nLusthof was ut, en 'nsúper oord.

En dr was ok een doolhof nog
Woar'nieder de weg zeuken mog,
Iej wissen, door binnen
Zøj 'n veurstelling vinnen,
Ai eers de weg goed had ezoch.

Al Door waarn kabouter neer ezet
De baarden met zeep in evet,
Ut steln'n scheerwinkel veur
En eur boarden, eers eur fleur,
Waarn deur zeepe noe éne klet!

Al de weg had evon'n dan'keer
Zol ie goan zingen altied weer
Ut deuntjen; toè een hit,
Hoowel der niks in zit:
fKees loat oew scheeren
Kees schaam oew wat!
De zeepe ent kwassie
Dee stoan in ut kassie,
Scheer noe gaw de snoete weer
glad!"

Gin zée of Scheveningse Pie pier
Knt án tegen wat veur ons hier
Dee Boggelaar is ewes!
Dee róozen; en dee rès!!

Dat de Boggler dr neet meer is
Is en blij een groot gemis.